



# **basic education**

Department:  
Basic Education  
**REPUBLIC OF SOUTH AFRICA**

## **SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS**

**SETSWANA PUO YA GAE (HL)**

**PAMPIRI YA BORARO (P3)**

**2023**

**MADUO: 100**

**NAKO: Diura di le 3**

**Pampiri e, e na le ditsebe di le 6.**

**DITAELO LE TSHEDIMOSETO**

1. Pampiri e, e arogantswe ka DIKAROLO di le PEDI.

KAROLO YA A: Tlhamo (50)

KAROLO YA B: Ditlhengwa tsa tirisano (2 x 25) (50)

**ELA TLHOKO:** O tshwanetse go araba dipotso di le PEDI go tswa mo KAROLONG YA B.

2. Araba potso e le NNGWE go tswa mo go KAROLO YA A le di le PEDI go tswa mo go KAROLO YA B.

3. Kwala ka puo e o tlhatlhobiwang ka yona.

4. Simolola KAROLO NNGWE le NNGWE mo tsebeng e NTŠHWA.

5. O tshwanetse go rulaganya (sk. letlhomeso la dikakanyo/lenaneopaakanyo/ mmapa wa dikakanyo/dintlhakgolo, jj), runa (tseleganya) o be o tlhotlhe tiro ya gago diphoso. Thulaganyo e tshwanetse go tlhagelela PELE ga tlhamo.

6. Ipaakanyo kana setlhengwa sa ntlha se supiwe jalo ka botlalo. O gakololwa go thala mola go kgabaganya ipaakanyo kana setlhengwa sa ntlha.

7. O gakololwa go dirisa nako ya gago ka mokgwa o o latelang:

KAROLO YA A: Metsotso e le 100

KAROLO YA B: Metsotso e le (2 x 40) 80

8. Nomora dikarabo ka nepagalo go latela thulaganyo ya dinomoro e e dirisitsweng mo pampiring ya dipotso.

9. O se ka wa tsenyeletsa setlhogo fa o bala mafoko.

10. Kwala ka mokwalo o o buisegang le ka mopeleto o o kannweng ke Lekgotla la Bosetšhaba la Puo ya Setswana.

## KAROLO YA A: TLHAMO

### POTSO 1

Kwala tlhamo ya bolele jwa mafoko a a ka nnang 400–450 ka NNGWE FELA ya ditlhogo kgotsa ditshwantsho tse di neilweng. Fa o dirisa setshwantsho go kwala tlhamo, se needle setlhogo se se maleba. O se ka wa lebala go thala letlhomeso kana lenaneopaakanyo, go tlhagisa setlhangwa sa ntlha le go se runa pele o kwala sa bofelo.

- |     |                                                                          |             |
|-----|--------------------------------------------------------------------------|-------------|
| 1.1 | Ga ke ise ke tenege jalo mo botshelong ...                               | <b>[50]</b> |
| 1.2 | Bodiba jo bo jeleng ngwana 'a mmaago, o re o bo bona o bo sikologe.      | <b>[50]</b> |
| 1.3 | Ditiragalo tsa malatsi a, di supa gore ruriruri lefatshe le senyegile.   | <b>[50]</b> |
| 1.4 | Fa nka ipona ke kgaogane le ditsala tse di bosula ...                    | <b>[50]</b> |
| 1.5 | A seemo sa ikonomi/itsholelo mo Aforikaborwa se fetotse botho jwa rona?  | <b>[50]</b> |
| 1.6 | Go iphataphatela go botoka go na le go direlwa. Dumela kgotsa o ganetse. | <b>[50]</b> |

Ditshwantsho tse di mo go tsebe 3 le 4 di ka tsosa maikutlo kgotsa tsibogo e e rileng. Tlhophya setshwantsho se le SENGWE mme o kwale tlhamo ka ga sona. Neela tlhamo ya gago setlhogo se se maleba. Nomora potso ya gago go nna (1.7 kgotsa 1.8).

**ELA TLHOKO:** Diteng tsa tlhamo ya gago di tshwanetse go nyalana le setshwantsho se o se tlhophileng.

1.7

[E nopenswe go tswa go [freightnews.co.za](http://freightnews.co.za)]**[50]**

1.8



[E nopotswa go tswa go [alexnews.co.za](http://alexnews.co.za)]

[50]

**PALOGOTLHE YA KAROLO YA A:** 50

## KAROLO YA B: DITLHANGWA TSA TIRISANO

### POTSO 2

Araba dipotso di le PEDI fela mo karolong e. Karabo e nne bolele jwa mafoko a a ka nnang 180–200 (diteng fela). O gakololwa go runa le go tlhotlha ditlhlangwa tsa gago diphoso.

#### 2.1 LEKWALO LA BOTSALENO

Malomaago o ne a amega mo kotsing ya sejanaga dingwaga tse pedi tse di fetileng mme o bone madi go tswa mo letloleng la dikotsi tsa tsela. O batla go dirisa madi ao go itirela sengwe se se ka mo tswelang mosola. Mo kwalele lekwalo le mo go lona o dirisang maitemogelo a o a ungwileng kwa yunibesithing mme o mo thuse gore a akaretse tse a di tlhokang fa a dira tekanyetsokabo ya madi ao.

[25]

#### 2.2 LEKWALO LA SEMMUSO

O tsenetse katiso ya dithuto tsa go apaya kwa setheong sengwe, mme morago wa tsenela kgaisano e mo go yona o neng wa ikgapela sekgele sa bommankge mo kitsong ya kapeo. Kwalela tlhogo ya setheo seo lekwalo o mo leboge o be o mo akgole ka tsela e ba go rupisitseng ka yona.

[E nopenswe go tswa go [sachefacademy.com](http://sachefacademy.com)]

[25]

#### 2.3 PEGELO

Modiri mo lebenkeleng la ditshamekisi tsa bana o ne a tshela moreki mongwe ka sanethaesfa a tsena mo lebenkeleng mme ya fetela kwa mathhong a gagwe ka phoso. Moreki o ne a tsenya ngongorego morago ga tiragalo e. Jaaka motsamaisi wa lebenkele, kantorokgolo e ne ya go kopa go kwala pegelo ka se se diragetseng. Kwala pegelo eo.

[25]

**2.4 ATHIKELE YA MAKASINE**

Motlhankedi wa Lefapha la Tikologo o ne a le kwa sekolong sa lona a bua ka ga go jala le go somarela dimela mo tikologong ya gaeno. Kwala athikele ya makasine ka ga setlhogo se.

**[25]****2.5 POTSOTHERISANO**

Mo motseng wa lona go na le rra/mmakgwebo yo o atlegileng. Ka ntlha ya tlhokego ya ditiro, o akanya go simolola kgwebopotlana gore o iphedise ka yona. O tlhoka maele a go itshimololela kgwebopotlana mme rra/mmakgwebo o ikemiseditse go go thusa. Kwala potsotherisano e e nnileng teng magareng ga lona.

**[25]****2.6 PUO E E SA TLHOMAMANG**

Motshegetsikawena wa setlhophpha sa motshameko o lo o ratang o ne a kubugelwa ke bolwetse mme a tlogela botshelo jo bo ka kwano. Botsamaisi jwa setlhophpha seo, bo go kopile jaaka motshegetsimogolo wa setlhophpha go neelana ka puo kwa tirelong matshediso a gagwe ka lo ne lo ntshana se inong. Kwala puo e e sa tlhomamang e o tlaa neelanang ka yona.

**[25]**

**PALOGOTLHE YA KAROLO YA B:**

**50**

**PALOGOTLHE:**

**100**